

活人慈航



三十

李挺曰溫瘧寒多熱少或單寒者太陽邪變也宜柴胡桂枝湯熱多寒少或單熱者陽明邪變也桂枝白虎湯寒熱相等或先熱者少陽邪變也小柴胡湯渴者去半夏加花粉知母寒熱大作戰慄汗出不散者太陽陽明合病也桂枝石膏湯服此後瘧愈甚者三陽合病也恐傳入陰經急用桂枝黃芩湯如傳入陰經從卯至午發而嘔吐大便閉者大柴胡湯下之從酉至寅發而喜忘欲狂大便黑而小便自利者桃仁承氣湯微下之若夾痰食瘴氣治法與雜病畧同夾痰合二陳食積合平胃溺瀉合五苓大便閉宜大柴胡湯無汗加蒼朮乾薑有汗加黃芪白朮夜發加白芍桃仁日發加常山枳榔吐之又如心下痞宜生薑瀉心湯加枳實身熱即惡寒熱退寒亦止頭重身疼煩渴便赤宜柴胡桂枝石

膏湯瘧來已正宜青蒿截之

內經云溫瘧者得之冬中於寒寒氣藏於骨髓之中至春則陽氣大發邪氣不能藏自汗出因遇大暑腦髓燥肌肉消腠理發泄或有所用力邪氣與汗皆出此病藏於腎其氣先從內出之於外也如是者陰虛而陽盛陽盛則熱矣衰則氣復反入入則陽虛陽虛則寒矣故先熱而後寒名曰溫瘧

張氏云始起則熱甚將退微寒而止治宜白虎湯為主方有寒必加桂枝先以退其熱勢次宜六味地黃湯加桂枝以滋其腎陰忌汗忌下尤慮十數發後消耗腎陰也

柴胡桂枝湯 治瘧熱少寒多或單寒無熱而有煩渴小便赤

柴胡 黃芩 芍藥 炙甘草 桂枝 半夏 煎服

桂枝白虎湯 治瘧寒少熱多或單不寒

石膏_{五斤} 知母_{一斤} 生甘_{一斤} 粳米_{三升} 桂枝_{半斤} 水煎服

桂枝石膏湯 治溫瘧汗出不解

桂枝_{一斤} 黃芩_{二兩} 石膏_{二斤} 知母_{一斤} 水煎服

桂枝黃芩湯 瘧來寒熱大作汗出不解

即小柴胡加石膏_{一斤} 知母_{一斤} 桂枝_{二兩}

柴胡桂枝石膏湯 瘧來身熱惡寒熱退寒止煩渴小便赤

柴胡_{二兩} 黃芩_{半斤} 花粉_{二兩} 甘草_{五兩} 桂枝_{一斤} 白芍_{二兩}

石膏_{五斤} 知母_{一斤} 乾葛_{半斤} 水煎服

青蒿散 截一切瘧熱多者尤效

青蒿葉為末每服二三錢加赤糖二錢調茶和勻未發前

先服神效

以上桂枝治太陽白虎治陽明柴胡治少陽大柴胡承氣

湯桃仁承氣治三陰之熱意甚明顯

溫疫

傷寒例云陽脉濡弱陰脉弦緊更過於疫變為溫疫

春主溫夏主熱冬反溫感受溫氣又過病氣穢氣遞相傳染更感其疫變為溫疫或病溫病熱病傷寒中風暑病切身熱更感病氣穢氣亦為溫疫皆同

其症渾身壯熱昏昏不爽煩心口渴舌有黃白胎滯遞相傳染不拘老少其病相同是也主以清熱解毒湯送下人中黃丸統治諸疫若躁不識人亦宜涼膈散雙解散如大便秘瀉者黃連解毒湯嘔血者宜生犀飲便實加大黃便滑加黃土虛人加人參內外熱極宜三黃石膏湯外熱用麻黃內熱加大黃大率脉來盛而有力者發於陽也尚可施治脉來沉細少力者陽症見陰脉也多不可救



葉天士云溫疫必從口鼻吸氣而入則傷三焦初傷手少陰
肺日久不已則逆傳手少陰心及手厥陰心包絡或延及
中焦下焦治法手用辛涼氣淡味薄佐以芳香解穢避癘
切忌辛溫發汗苦寒峻攻雖數下數汗亦不解反致忘津
竭液傷中告變

上焦必見咳喘胸滿煩渴有汗肺脈洪大宜豆豉梔子花粉
瓜蒌根皮貝母黃芩桔梗前胡薄荷石膏杏仁沙參等類
若舌赤脣裂神識昏迷衄血骨蒸夜熱心煩不眠則宜犀
角銀花連喬竹葉元參骨皮金汁菖蒲等類以清榮分

清熱解毒湯 治溫疫大熱

黃連二錢 黃芩二錢 白芍二錢 生地二錢 人參二錢 石膏二錢

知母二錢 乾葛二錢 升麻二錢 甘草二錢 羌活二錢 生薑三片

水煎服

溫疫

禮上之下

七十三

外因



人中黃丸 治溫疫時疫諸熱毒

大黃^{三兩} 人中黃^{二兩} 蒼朮^{三兩} 桔梗^{二兩} 滑石^{二兩}

黃連^{二兩} 黃芩^{二兩} 防風^{二兩} 桑香^{附子}

為末用酒麴糊丸清熱解毒湯送下二三錢

生犀飲 治疫癘初起眩暈嘔血

犀角^末 蒼朮^{五兩} 川連^{五兩} 黃土^{五兩} 陳茶葉^{一握} 金汁^{半盞}

便閉加大黃渴加花粉表熱去蒼朮黃土加桂枝黃芩便

膿血去蒼朮加黃柏大便秘去金汁加人中黃

溫毒

傷寒例云陽脉洪數陰脉實大更遇溫熱變為溫毒其病最

重

春主溫夏主熱冬應寒而反溫感受溫氣內伏又遇天時

溫熱夾感溫熱引動伏溫而二變為溫毒或候治春溫冬



北京中醫藥大學圖書館藏

溫錯用辛熱藥亦有是症溫毒為病最重伏毒與時交併

表裏俱熱故其脉浮沈俱盛活人云發斑咳嗽為溫毒

其症身熱心下煩悶嘔逆咳嗽甚則面赤身體俱赤狂亂躁

渴咽喉腫痛狂言下利而發斑最為危候治宜大解熱毒

為主若斑如錦紋身熱煩躁而無便閉者黃連解毒湯若

躁悶狂妄而無汗者三黃石膏湯若汗出煩渴而發斑煩

熱錯語不得眠宜白虎合解毒湯如斑已出未出斑毒不

透宜升麻解毒湯斑出已透熱不止宜清代消斑飲發斑

熱毒勢盛咽喉痛心煩狂言悶亂犀角大青湯雖大便不通

勿用下藥惟宜犀角地黃湯凡斑色紫者為危候黃連解

毒湯合犀角地黃湯若斑色青黑脉虛小自利者不治若

溫熱時行夾食陰斑詳發斑內

升麻解毒湯

升麻一斤 葛根半斤 白芍一斤 甘草一斤 牛子一斤 防風一斤

荊芥一斤 犀角一斤 或用紫草代犀角

消斑青代飲

石膏三斤 知母一斤 犀角一斤 甘草一斤 梔子半斤 黃連五分

青代五分 黑參半斤 柴胡半斤 生地一斤 大黃一斤 大便秘者可用

犀角大青湯

犀角一斤 大青半斤 黑參一斤 升麻一斤 黃連一斤 黃芩一斤

黃柏一斤 梔子一斤 甘草五分

黃連解毒湯 三黃石膏湯 犀角地黃湯 見前

白虎湯 見傷寒

溼溫 夏至以後有病溼溫

經云溼溫之脉陽濡而弱陰小而急其人常傷於溼而又中於暑暑溼相搏發為溼溫



活人云其症壯熱二脛逆冷胸滿頭目眩妄言多汗治宜
木白虎湯為主方切勿發汗汗之則不能言耳聾不知痛
處身青而色變名曰重暍死亦不可以足冷而誤用溫熱
藥凡厥者脛冷臂亦冷溼溫則脛冷而臂不冷以此為別
張氏云濡弱見於陽溼氣搏暑也小急見於陰暑氣蒸溼也
二脛逆冷腹滿溼得暑而彰其寒也頭目痛壯熱妄言多
汗暑得溼而彰其熱也病在太陰陽明此湯分解二經濕
合之邪也

蒼朮白虎湯

知母 石膏 甘草 粳米 蒼朮
水五升煮至米熟湯成分作四服

溼病

有風溼 寒溼 溼熱 溼溫 燥溼 中溼

溼溫

以上之下

七五

雜新外因

以及表在裏在半表半裏在上在中在下

溼邪四時皆有惟夏秋溼令大行感溼為多溼有從外受者如溼土司令歲運而溼流行或山嵐瘴氣或遠行涉水或久臥溼地或浴水溼或著溼衣皆能傷溼有從內起者由飲食茶酒水果醇炙厚味過度皆能病溼亦有脾虛津積而為溼亦有鬱熱而生溼此因病而致溼也

溼邪為患有親上親下在內在外有夾風夾寒夾熱之殊大約發熱惡風寒掣痛不能屈伸身重脈浮者溼夾風也黃疸暑溼溫溼疫溼痺身熱煩渴便溇小便不利者溼夾熱也腫脹泄瀉肢冷嘔惡脈濡細遲者溼夾寒也以上總不外乎一身盡疼身重難轉側骨節疼痛為是治溼大法忌汗忌下但當利其小便

仲師云溼家之為病一身盡疼發熱身色如薰黃 又云溼

身雖寒疼痛不可發汗汗之則瘥 又云溼家下之額上

汗出微喘小便利者死下利不止者亦死

張氏云小便利者可用木附湯救之
如身疼發熱面黃頭痛鼻塞飲食如故病在頭上宜瓜蒂散
吹鼻腰冷腰重如帶五千錢飲食如故病在下宜甘姜苓
朮湯脹滿泄瀉嘔惡病在內屬太陰體重身疼病在外屬
太陽

溼家頭汗出背強欲得被覆向火若下之早則噦或胸滿小
便不利舌上如胎者以丹田有熱胸中有寒渴而不飲口
燥煩也

丹田屬陰胸中屬陽陽為表陰為裏此風溼在太陽之表
候下邪陷半表半裏也張氏主以黃連湯和解

風溼

溼病

禮上之下

七十六難經 外國



風溼傷太陽宜別表虛表實以及表之裏為要

溼家身煩疼可與麻黃加水湯一身盡疼發熱日晡所劇者
麻黃杏仁薏苡甘草湯溼家發其汗但微微似欲汗出者
風溼俱云也

此風溼傷太陽而表實無汗者宜微發汗今時治用羌活
勝溼湯除溼湯為主方

脈浮身重汗出惡風者防已黃芪湯主之

身體疼煩不能自轉側不嘔不渴脈浮虛而濇者桂枝附子
湯主之若大便堅小便不利者去桂枝加白朮湯主之

骨節疼煩掣痛不能屈伸近之則痛劇汗出短氣小便不利
惡風不欲去衣或身微腫者甘草附子湯主之

此汗出惡風脈浮虛而濇為表虛風溼傷太陽而表虛者
不可發汗宜從皮中以除溼散風宜防已黃芪湯為主方

陽虛甚者必用木附

太陽病關節疼痛而煩脈沈細者名曰溼痺乃溼邪閉其氣也以其脈沈細小便不利大便反快皆太陽表之裏膀胱腑也如溼熱同法宜五苓散為主方

羅謙甫云春夏之交病如傷寒其人汗自出肢體重痛轉側難小便不利此名風溼非傷寒也陰雨之後卑溼或引飲過度多有此症宜多服五苓散小便通利溼去則愈切忌轉瀉發汗小誤必不可救初虞氏云醫者不識妄作傷風治之發汗死下之死已未京師大疫正為此羅得其說救人甚多張氏云大抵五苓散治風溼渴而小便不利者最宜若風溼小便清白者此邪猶在表宜羌活勝溼湯除溼湯主之

溼

邪在表頭痛頭重腰脊痛或肩背痛或一身盡疼微熱倦

風溼

禮上之下

七

外因

急宜羌活勝溼湯

傷溼發熱惡寒身重自汗骨節疼痛小便秘大便溇腰脊冷痺宜除溼湯

溼熱

黃疸暑溼溼溫另詳專門

溼熱者身熱心煩口渴自汗小便短赤脉滑而數者宜桂苓甘露飲主之

表裏溼熱身熱泄瀉身重骨節疼痛煩渴小便赤者五苓散主之或加羌活滑石蒼朮黃芩之類

身熱自汗體重骨節疼痛泄瀉小便赤者宜柴苓湯

溼熱內攻心腹脹滿小便不利大便滑泄宜大桔皮湯

身重面黃小便黃而短少者茵陳五苓散

少腹急滿小便不通或淋痛者八正散

存記

骨節疼痛有熱者溼熱也二妙散

其人平素陰虛多火病溼加之走精者溼導精竅也虎潛丸

或當歸拈痛湯加龜板白朮牡蠣

醫通溼熱病若肥人或酒客人漸至食少體倦或胸腹痞滿

或肢體煩疼或不時舉發或偶有所觸而發忽然胸高喘

脹煩悶嘔逆甚至上下不通者須乘初起元氣未衰急投

控涎丹十餘粒不下少頃再服當此危急之時不下必死

下之庶或可生此係專攻溼熱痰涎之藥不可與大黃朴

消同視也

寒溼

有在表有在裏

寒溼在裏則腫脹泄瀉嘔惡宜理中湯下利肢冷水腫小便

不利宜真武湯下利肢冷水附湯

溼熱

札上之下

字八

外因



寒溼在表則成風痺溼勝則腫寒勝則痛寒熱頭痛身疼宜五積散寒甚肢冷加附子

裏溼

經云諸溼腫滿皆屬於脾脹滿泄瀉身疼小便不利皆內溼也宜胃苓湯又云溼勝則濡泄水瀉身重小便不利宜胃苓湯

脹滿不食身重嘔惡者平胃散加砂仁半夏或滲溼湯

燥溼

醫通云復有一種燥症反似溼痺以其症遍身煩疼手足痿弱無力脈來細數而微此陰血為火熱所傷不能營養百脈所致慎勿誤認溼痺而與風藥則火益熾而燥熱轉甚矣宜甘寒滋潤之劑補養陰血兼連柏以苦堅陰然須視其人形瘦色赤方為燥熱若肥盛之人則為溼熱無疑也

